



Inatsisartuni aalajangiiffigisassaattut siunnersuut Naalakkersuisut kingusinnerpaamik 2017-imi aningaasaateqarfimmik 4 mio koruunit tikillugit aningaasaateqartumik pilersitsinissamik saqqummiussissasut, aningaasaateqarfiup aningaasalersussallugu angajoqqaat kisermaat 180.000 koruunilluunniit ataallugit isertitallit meeraasa nunatsinni nunattalu avataani angalasarnissaat.

(Inatsisartunut ilaasortaq Agathe Fontain, Inuit Ataqatigiit)
(Siullermeenera)

Qujavunga ataatsimut pisortat pigisaannik sulinngiffeqarnermi angalanissamut aningaasaateqarfiliornissaq pillugu siunnersuut oqallisigisinnaagatsigu.

Ullumikkut sulinngiffeqarnermut atatillugu angalanermut aningaasaateqarfeqareerpoq ilaatigut SIK-p ilaasortaanut aamma kattuffiit allat ilaasortaannut ilaatigut:

Atorfillit Kattuffiani ilaasortanut – AK atorfilinnut aamma atorfillit atugaannut assigusumik atorfeqartinneqartunut. Peqqissaasut Kattuffianni ilaasortanut - PK - Kalaallit Nunaanni peqqissaasut kattuffii aamma radiografitt tassani ilaapput aamma PPK aqputigalugu tagiartuisartunik aamma pillorissaasunik, inuussutissalerisunut, aaviisartunut sundhedsassistentinullu periarfissiisunik.

IMAK - ilinniartitsisut kattuffiat aamma sulinngiffeqarnermi angalanissamut aningaasaateqarfeqarpoq aamma Godhavnimi atuartunut immikkut angalanissamut aningaasaateqarfeqarpoq, maannamut paasisagut naapertorlugit.

Piitsut nunanik allanik imaluunniit nunatta ilaanik misigisaqartarnissaannut isumassarsiaq ajunngilaq, Demokraatinili isumaqarpugut, allatigut tamanna anguniarneqarsinnaasoq. Atuartut atuaqatitik angalaqatigisinnaavaat, tassani ilaatigut sulillutik angalanissaminnut akissaminnik katersisarput, efterskolemi højskolemiluunniit nunami maani atuarnissaminnut imaluunniit nunani allani, aamma sunngiffimminni sulisinnaapput katersillutillu, sulinermullu taamaasiorlutik nuannarisaqalerlutik.

Aningaasat pisortani atorsinnaasagut meeqqat atuarfiata pitsanngorsarnissaanut atortariaqarpagut, inunnik isumaginninnerup pitsanngorsarnissaanut atortariaqarpagut imaluunniit suliniutinut suliffinnik pilersitsisussanut, taamaasilluta - inatsisiliortutut - qularnaarniarinnaavagut sinaakkutissat aamma innuttaasunut tamanut periarfissat, qularnaarisussanik siunissami aningaasarsiortuarnissaannut aamma qularnaarlugu isertitatigut nunalu tamakkerlugu ikiuinermi annertussutsinik qularnaarisussanik.



Demokraatini isumaqaratta inuit suliumassusaannik arsaartorneqartut aamma taamaaliornikkut ilaqutariit pilersuisullu isertitaqarnerusariaqaraluartunut takussaannngitsumik tapiinerusoq imaluunniit isumaginninnermi pitsaanerusumik neqeroorfigeqqaartariaqaraluartunut imaluunniit periarfissinneqarsimasariaqaraluartunut isumaqatigiissutit assigisaallu aqutigalugit - imaluunniit allat suliniutit, tapiissutit assigisaalluunniit aqutigalugit akiliunneqarsimasunut takussaannngitsumik tamanna tapiinerussasoq isumaqarpugut taamatut pisortat sulinngiffeqarnermut atatillugu aningaasaateqarfimmik pilersisinissamut suleqataasariaqanngitsut.

Oqaaseqartartup siunnersuummi matumani isumassarsiaa paasisinnaavara, allatulli ajornartumik oqaatigisariaqarpara pisortat iluanni taamaattumik aningaasaateqarfimmik pilersitsinissaq inissaqartinneqanngikkallartoq.

Taamatut oqaaseqarluta siunnersuutip itigartinneqarnissaa inassutigaarput.